

靈巫寶領教濟度金書卷之二百三十三

愛七

靈寶領教濟度金書卷之二百三十三 愛七

洞微高士開也救苦真人甯全真授

靈寶通玄弘教水南先生林靈真編

科儀立成品 雷霆齋合用

謝恩醮儀

燒香頌

各禮師存念如法

宣衛靈呪

五星列照 煥明五方 水星却災 木德致昌  
熒滅消禍 太白辟兵 鎮星四據 家國利亨

名列玉簡字錄帝房乘飈散景飛騰太空  
出入冥無遊宴十方五雲浮蓋招神攝風  
役使萬靈上衛仙翁和與道合真

鳴法鼓二十四通

無上三天玄元始三炁太上老君召出臣身

發七

中三五功曹左右官使者侍香金童傳言玉  
女五帝直符直日香官各三十二人出出者  
嚴裝關啓玄壇天帝神君當召此間土地里  
域真官正神急上關啓臣今奉爲入意以今  
設醮建齋行道願得



玉清道炁靈寶妙光下降流入臣等身中即  
使玄壇清淨內外成真天無氛穢地絕妖塵  
琳琅振響十方肅清萬魔不干真誠上徹令

臣所啓速達徑御

太上無極大道至真三寶上帝

九宸帝君御前

請稱法位

具位臣某謹同誠上啓

太上無極大道虛無自然元始天尊太上大

道君太上老君昊天玉皇上帝高上神霄玉

清真王長生大帝高上神霄東極青華大帝  
九天應元雷聲普化天尊九天雷祖上帝上  
清紫微碧玉宮太一天帝六天洞淵大帝  
六波天主帝君可韓司丈人天尊九天採訪  
使天尊雷霆九司諸天省府東華西靈執職

變七

二

真衆洞天福地四海四瀆溪澗潭洞主宰龍  
神社稷山川城隍里域三界官屬一切真靈  
臣聞圓蓋輕浮運陽清而制地方輿重晏凝  
陰濁以承天函三尊萬物之靈得一稟五行  
之秀百昌雲委亶由元始之慈風庶物露生



孰匪虛皇之化雨今齋主扣頭切切拊已惶  
惶覬爾為霖當留心於旱暵沛然下雨荷垂  
念於農功輒修報謝之私庸致殷勤之敬伏  
願瓊輪羽蓋前驅之朱鳳翼轅綠輦丹輿後  
從之玄龍駮乘會八紘之主執統四海之真  
靈環拱虛无會同妙有臣不勝瞻天望聖激  
切屏營之至謹稽首再拜奏請

請聖

初獻

具位臣某等重誠上啓

三清上聖九宸高真圓穹之主宰真靈方域

之神仙掾屬醮筵內外一切威靈臣聞潛地  
潛天上聖愛同於一視曰暘曰雨下愚樂際  
於三登自聚廬托處之无憂皆飽食煖衣之  
有望終歲勤動觀仰事俯育之歡彌月亢炎  
副東作西成之樂故民生之或匱實帝鑒之  
遙矜觀蜡類首祀於穀神而龍見先陳於雩  
祭禮嚴祈報事極尊崇懼妖魃之興災則嘉  
苗之被毒臣等承顏楓陛綴武筍班躋龍尾  
以宣揚志存濟世奉獅頭而奏對心切愛民  
允有歸投敢忘關告况奉詞旨敢不上聞



宣詞

按如詞言備殫忱切載惟井邑散在郊原頃  
緣炎亢之驚心遂致旱乾之到眼輝輝赤日  
夾紅雲而連月翻飛湛湛青天漲炎煙而浹  
旬周布田疇盡涸溝澮皆枯播種无期秧不  
聞於刺水登成莫卜禾曷際於登場耕農重  
足以攢眉田畯酸心而蹙頰奉幣以告齋幸  
建於雷霆瀝詞而陳恩遽昭於雨露作霖應  
候好雨知時白浪飛而野水漣漪青苗秀而  
塍波瀾漫兆民鼓舞知頓飽之可期萬姓謳



訶何荐飢之足慮亶繇帝力式慰民情敬修  
蘋藻之恭庸致藿葵之敬伏願玄空日監蒼  
昊時歆報德誠殫固莫陳於瑤玖感恩意薦  
似益罄於珠環伶華奏鈞樂之音符寶擁龍  
旂之仗珠彝泛玉隨梵唱以流明翠尊浮金  
間步虛而逸響千枝競秀百和爭芳異菓駢  
羅擁乾坤之瑞炁竒葩錯落挾宇宙之祥光  
玄鑒不違丹忱斯格臣不勝激切望恩之至  
謹稽首再拜酒陳亞獻

亞獻

臣某謹重誠上啓

三清上聖九宸高真圓穹之主宰真靈方域  
之神仙掾屬醮筵內外一切威靈臣聞播厥  
百穀地利之高下有殊相爾三農天時之後  
先或間皆權衡於紫極悉主宰於清微成始

受七

四

成終亶祈終惠或緩或急所貴急圖今齋主  
某憫雨情鍾望霓志切仰扣天闈而請禱旣  
蒙錦覆之仁俯伏帝座以虔祈更藉玉成之德  
伏願帝心簡在天聽昭宣普告社稷之神祇  
遍檄山川之僚佐自今以往咸迪厥功十日



雨五日風無鳴條而破塊三年耕一年蓄既  
掃廩以傾倉涉夏而二麥告成歷秋而萬禾  
豐潤螟蝗遁跡蠶蟹潛蹤歡騰擊壤之歌樂  
協康衢之詠如登夏屋渠渠彰大定之風若  
涉春臺熙熙紀時雍之俗牛羊孳育雞犬相  
聞凡茲懷禱之勤悉賴圓成之造次願宣勞  
真宰効績靈祇雷霆風雨之官僚丘陵潭洞  
之主執言功遷賞依丹格以書勲進職升班  
詣玄曹而受任庶獎承宣之力庸增撫字之  
勤次願臣等削過黑編移名青簡以至自擅

玄都之號令輒宣紫府之符章策役真靈動  
傷神烝格存俯仰莫明向背之宜經列威儀  
多昧後先之序曾祈大造總鑒微忱上願天  
地清寧風雲調泰儀璘煥耀煙雨和平貔貅  
无征戍之勞鴻鴈息流離之苦景星夕耀融

卷之七

五

喜烝於郊原甘露朝濡霽神光於甸遂荷鋤  
自樂負耒相歡天開萬里之桑麻雨潤千圻  
之黍稷三途罷對五道停輪凡居覆載之中  
均被生成之造臣不勝激切望恩之至謹稽  
首再拜禮行終獻



終獻

臣某謹重誠上啓

三清上聖九宸高真圓穹之主宰真靈方域  
之神仙掾屬醮筵內外一切威靈臣聞天威  
咫尺幸移龍御於玄壇民欲再三重露蟻忱  
於丹陛顧皈依之志切而懃謝之誠周雲斂  
蕭臺四顧而玉杓西轉風清閶闔仰瞻而銀  
漢南流旋行歸蹕之音杳靄鳴鞘之韻六龍  
返景九鳳凌空月駟逶迤赴滄溟之眇莽雲  
驂迅邁返山澤之幽寥臣等控挽无從瞻依

徒切下情不勝攀戀之至謹稽首再拜奉送

高真

回輶頌

化財

向來

雷霆幕官將醮

雷霆齋合用

步虛

洒淨

各稱法位

具位某謹焚香上啓

聖位

此聖位照法師所受雷法中官將次及城隍里域難以預定

伏聞天

時密運洒膏雨於八荒地利兼收扇仁風於



三極期兆庶慶豐登之樂皆神明推翊護之  
慈瞻彼田疇倘旱乾而卒歲虛茲倉廩必飢  
饑以窮年凡風雲雷雨之司存與社稷山川  
之職守共承帝令協布神威庶上贊於天工  
膺下全於民欲今齋主某逢茲炎亢難覲登

受七

六

成修寶齋以祈天對揚是力建玉醮而扣地  
策役有嚴將期應感之私聊寓薦修之敬伏  
望雲龍奮迅辭藥闕之崇嚴風駟逶迤降芝  
壇之峻極俯歆藻敬拱聽芻言某不勝俟望  
之至謹當奉請

請聖

初獻

某謹焚香上啓

雷霆諸司官將各部威靈伏聞三省九府典  
風雨之重權二院三司職雷霆之真任策役  
於紫微碧玉總攝於玉清神霄僚案蟬聯將  
裨魚貫屯雲掣電須臾而山嶽動搖走石揚  
沙瞬息而滄溟騰踴獵獵黑旗之蔽日翩翩  
皂纛之搏風威震九垓烝吞六合帝錫聰明  
之聖神資勇武之材澤潤生民剪除死寇今  
齋主顧瞻時令俯軫黎元極激切以興思運



徬徨而致念況一隅之村落匪四達之封維  
土本高涼地多磽确水多傷於滲漏田未易  
以耕耘迺自季春涉于仲夏赤雲遍布夾畏  
日以開張黃霧沉霾扇炎風而動盪田疇有  
龜坼之兆棟簷无鳩喚之聲秧未舒針苗難

變七

七

吐穎凜凜過時之懼依依愒日之憂亢旱當  
頭難運桔槔之力飢荒在眼莫全倉廩之收  
自非甘雨之疏通曷使驕陽之收斂故崇瑤  
範肅建寶齋飛朱表以籲天奉綠章而款帝  
三朝行道二上轉經缸鎮四溟冀波翻而浪

湧符頒五社祈電耀以雷轟爰啓真慈惠徼  
神馭願鑒皈依之悃特敷曠蕩之恩載笑載  
言筵敬開於六甲旣醉旣飽辭惟罄於五申  
恪冀威靈洞垂陶冶某不勝懃祈之至謹伸  
亞獻

亞獻

某謹焚香上啓

雷霆府院各部威靈伏聞降時雨而俄爾出  
雲權由碧落布油雲而沛然下雨事統紫虛  
故凡神職之駿奔皆自天恩之宰制顧惟愚



昧夙荷眷休掌劔令以嘯命諸司典符章而  
號集列將黑螭升覲告寶璽之三章丹鳳降  
瞻報家書之五道真王混景大帝回靈三帥  
承符運震巽坤乾中之玄妙五將稟令出精  
神寬冕意之希微悉按師傳皆緣天授既運

元而會道宜同德以敷心所冀洞鑒真祈廓  
施聖力擁雲頭於十丈八表演溟濛布雨脚於  
千重九紘昏暗神龍揚鬣奮武潛蛟鼓鬣  
以增威雷車轟轟聲動而岩巒辟易雨瓢漫  
漫勢垂而林木蒙籠走迅電以前驅動狂風

而後擁不俟終日盈溝澮而綠水淋漓寧待  
崇朝滿江河而洪波浩蕩野農鼓舞田畷歡  
呼已枯者即解焦枯未種者頓諧播種須有  
登成之望悉繇拯濟之功遷賞玄都為進功  
而授任書勲丹陛即校績以升班母感意馳  
願言神聽其或潭洞封閉宜請帝勅以開張  
炁運旱炎合借鄰封而救解匪云坐視恪莫  
慈觀其不勝激切之至謹伸終獻

變七

終獻

告符

某謹焚香上啓



雷霆府院各部官君咸望聖慈俯垂洞鑒以  
今齋壇初建醮席宏開諒綸綍之肆馳勒旌  
旄而下駐須遵赤詔遍澤洪垓俾霖雨之潤  
霑禾則盡起掃亢炎之枯槁苗廼告成上甦  
齋主之心下慰農夫之望倘著勲績敢判勤  
勞俟顯功能別當餞送其不勝祈請之至

向來

靈寶領教濟度金垂百卷之二百三十三

共

